

INUIT ATAQATIGIIT INATSISARTUNI



UPA2026/120

18. maj 2026

Nivi Rosing

Inuiattut erinarsuutitsinni marluusuni sorleq pisortatigoortumik atorneqassanersoq nutaamilluunniit taarserneqartariaqarnersoq pillugu apequteqaat aallaavingalugu oqallinnissamik siunnersuut.

(Inatsisartunut ilaasorta, Aqqalu C. Jerimiassen, Atassut)

Oqaaseqaat.

Siullermik oqallisissiamut siunnersuuteqartoq Aqqalu C Jeremiassen Atassummit qujanaq qulequttamik kinaassusitsinnut pingaarutilimmik qaqitsigavit.

Inuit Ataqatigiinni pingaartipparput inuiattut erinarsuuterput ataatsimoorfiunissaa katersuuffigisinnaanissaalu.

Nunatta iluani pingaaruteqarpoq minnerunngitsumik aamma Avammut kiinnertarnitsinnut soorlu timersorluni umanniarnerni.

Siunnersuuteqartoq "Nunarput utoqqarsuanngoravit" erinaa svenskininngaanneersoq maluginiaqqugakku paasisinnaavarput, naak Nunanut allanut unammiarnerni taanna takornartaanerugaluartoq, ilisimalluarneqarlunilu.

Unneqqareqqissaassaguma una siunnersuut qimerlooqqaarakku aatsaat "Nuna asiilasooq" tusaagakku, uanga (oqaaseqartoq) perornikuugama "Nunarput utoqqarsuanngoravit" Inuiattut erinarsuutitut kisimi atorneqartartoq, paasinnippungali "Nuna asiilasooq" sineriami atorneqarnerusarsimappat. Misissuininnili "Nuna asiilasooq" youtube-kkut atserneqarsimasoq "second national anthem of Greenland" imak paasisassaq Inuiattut erinarsuutini nummer 2.

Siunnersuuteqartoq qaqimmagu paasisinnaavarput, erseqqissumik inuiattut erinarsuuteqarnissarput pingaaruteqarpoq aamma Inuit Ataqatigiinnit pingaartilluinnarparput Nunatsinni sumiorpaluutit Inuiattut erinarsuutitsinni erseqqarissasut ilalerluarsinnaallugu.

Taamaattorli imak aalajangiinermi Inuiaqatigiit akuutinneqarluarnissaat pingaartipparput, kinaassusitsinnut pingaaruteqarpoq inatsisartut 31-it partiilersorlutik kisiartaallutik aalajangissanngikkaat uatsinnit oqariartuutigerusupparput.

INUIT ATAQATIGIIT INATSIARTUNI



Taamaamat aamma Naalackersuisoq qutsavigaarput oqaaseqaatimini eqqaammagu innuttaasunut taasititsisinnaaneq periarfissaasoq.

Oqallinnissamut qilanaarluta, minnerunngitsumillu partiit allat qanoq isumaqarnersut tusarnissaat qilanaaralugu Qujavugut.

Minnerunngitsumillu siunnersuuteqartoq qanoq ingerlariaqqinnissaa qilanaaraarput, qanoq inerneqaralarpat maanngaanniit suleqataanissarput qularineqassanngilaq